


ԼԵՆԻՆԳՐԱԴԻ ԻՍԱՀԱԿԵՎՅԱՆ ՏԱՃԱՐԻ ԺԱՐՏԱՐԱՊԵՏ ԱՆՏՈՆԻՈՒՆԱԿԻ ԵՒ ՆԱԽԱԳԾԻ ՄԱՍԻՆ

Տ. 2. ՄԱՐՈՒԹՅԱՆ

Լենինգրադի Իսահակիկյան տաճարը, որ Հոկտեմբերյան հեղափոխությունից առաջ Պետերբուրգի գլխավոր եկեղեցին էր, շորրորդն է այդ անունով այնտեղ կառուցված եկեղեցիներից: Առաջինը 1710 թ. հիմնադրվել և կառուցվել էր Սենատի հրապարակում, Պետրոս Մեծի անմիջական ցուցումով. այն փայտակերտ էր, շափերով՝ փոքր: Կարճ ժամանակ անց՝ 1717—1727 թթ. այդ եկեղեցին վերափոխվում, դարձվում է քարակերտ: Ճարտարապետներ Գ. Մատարնովիի և Ն. Գերբելի կառուցած այդ եկեղեցին եռանավ, գմբեթավոր բազիլիկ էր: Ափերը դեռ չամրացված նեա գետին շատ մոտ գտնվելու հետևանքով, շատ շանցած, եկեղեցու շինությունը նստվածքներ է տալիս, պատերին հայտնվում են ճեղքվածքներ, ապա հրդեհից այն վերջնականապես խարխուլվում է և 1763 թ. քանդվում:

Այդ ընթացքում քաղաքաշինարար Ս. Չևակինսկին վերամշակել էր քաղաքի կենտրոնական մասի հատակագիծը, որով և ստեղծվել էր մի նոր հրապարակ: Այդ հրապարակում ճարտարապետ Անտոնիո Ռինալդիի նախագծով 1768—1801 թթ. միջոցում կառուցվում է Իսահակիկյան երրորդ տաճարը, որը նույնպես երկար չի գոյատևում: Այդ նույն տաճարի տեղում, նրա հիմքերի վրա, մասամբ արեհյակողմի հատվածում պահպանված պատերի օգտագործումով, 1818—1858 թթ. ճարտարապետ Ուլուստ Մոնֆերանի նախագծով կառուցվում է Իսահակիկյան չորրորդ տաճարը, որը գոյատևում է մինչև այժմ և օգտագործվում որպես Թանգարան (գծ. 1):




1. Իսահակիկյան տաճարի՝ Ա. Ռինալդիի և Օ. Մոնֆերանի կազմած գլխավոր հատակագծերի համադրումը:

Իսահակիկյան տաճարը նվիրված է Պետրոս Մեծի հիշատակին, բայց քանի որ նրա ծննդյան օրը (30 մայիսի, 1672 թ.) համընկնում է բյուզանդացի լեգենդար գործիչ ս. Իսահակ Դալմատացու անվան տոնախմբությունների օրվան, եկեղեցին էլ կոչել են նրա անունով՝ Իսահակիկյան:

Սեզ հետաքրքրողը միմյանց փոխարինող չորս Իսահակիկյան եկեղեցիներից նախավերջինն է՝ Ա. Ռինալդիի (1710—1794) կառուցածը: Այս տաճարը ներքին խաչաձև հիմքով, կենտրոնագմբեթ շինություն էր: Ըստ նախագծի, այն պիտի լիներ հինգ գմբեթանի, գլխավոր գմբեթը՝ կենտրոնում, առանձին կանգնած չորս հզոր մույթերը միմյանց կապող կամարների վրա,

չորս երկրորդական գմբեթները՝ քառակուսի հատակագծով կենտրոնական ծավալի անկյունների վրա: Խաչաձևություն ստեղծող խորանները հարում էին կենտրոնական ծավալի շորս նիստերի առանցքային մասերին: Գլխավոր մուտքը արևմտակողմից էր, այնտեղ էլ կանգնեցված էր եռաստիճան ծավալներով զանգակատունը: Մուտքեր կային նաև հյուսիսակողմից ու հարավակողմից (գծ. 2):




2. Իսահակյան տաճարի՝ Ա. Ռինալդիի կազմած հատակագիծը:

Տաճարի ընդհանուր հատակագծային լուծումը առաջին իսկ հայացքից հիշեցնում է էջմիածնի Փայր տաճարի հատակագիծը (գծ. 3)՝ մանրամասների տարբերությամբ հանդերձ: Պատկերի այդպիսի հարազատ մի այլ ընդհանրություն թերևս չկարողանանք հիշատակել: Հետաքրքիր է, որ տաճարի մոտ զանգակատան նույնպիսի տեղադրություն տեսնում ենք դարձյալ Ռինալդիի կառուցած Համբուրգի տաճարում (1762—1772):

Կասկած չի հարուցում այն, որ Իսահակյան այս տաճարի նախագծի հեղինակը ծանոթ է եղել էջմիածնի-Բագարանի-Անիի Առաքելոց տաճարների ճարտարագետությանը: Այդ հնարավորությունը նրան պիտի ընձեռած լինեն Մխիթարյանները, ս. Ղազարի կղզում՝ իրենց հարուստ գրադարանով:

XIX դարի երկրորդ կեսին Ռուսաստանի և Սվրոպայի բազմաթիվ ճանապարհորդներ և Արևելքով հետաքրքրվող շատ արվեստագետներ էին գալիս Հայաստան ու էջմիածին: Ռուսաստանում տասնյակ տարիներ աշխատելով, ականավոր ճարտարագետ Ռինալդին, բնականաբար, պետք է եկած լինի վաղարշապատ՝ էջմիածինը տեղում տեսնելու:


Ռինալդիի հայրենիքում է գտնվում Հոռմի ս. Պետրոսի հռչակավոր տաճարը, որի կենտրոնական մասը կառուցված է նույն՝ էջմիածնի մայր տաճարի



3. Էջմիածնի Մայր տաճարի հատակագիծը (վերակառուցված V դարում):

4. Իսահակիկյան տաճարի Միխայիլով II-ի կազմած հատակագծերից ամենավաղ տարրերակը:

րի և Բագարանի սկզբունքով և դրանցից տարբերվում է արևմտյան խաչաթևի ձգվածությունը: Այդ պատճառով էլ այն անվանում է բազիլիկ: Հետաքրքիր է, որ Իսահակիկյան տաճարի՝ մոնֆերանյան նախագծի մշակման ժամանակներում հայտարարված մրցույթի մասնակից ռուս և այլազգի ճարտարապետներ Ստասովը, Միխայիլով եղբայրները, Մելնիկովը, Բրնտտին, Բազենը իրենց նախագծերում, ի հակադրություն Մոնֆերանի ձգված համաչափություններով հատակագծի, նախընտրում էին հիմքում քառակուսի պարագծերով հատակագծեր (գծ. 4), դարձյալ հետևելով Էջմիածին-Բագարան և



5. Անիի Առաքելոց հինգ զմբեթանի եկեղեցու հատակագիծը (X դ.):

6. Կոռասանգնուպոլոսի Առաքելոց եկեղեցու հատակագիծը (VI դ.):

Անիի Առաքելոցի (գծ. 5) սկզբունքներին (և ոչ բյուզանդականին, ինչպես նշում է Ն. Նիկիտինը)¹: Ասենք, որ բյուզանդական Առաքելոցը հիմքում խաշաձև էր և ոչ քառակուսի (գծ. 6):

Կարևոր է հիշել, որ քրիստոնեությունը, որպես պետականորեն ընդունված կրոն, առաջինը ճանաչվել է Հայաստանում, մոտ 301 թ., որտեղ էլ կառուցվել է եկեղեցական ամենավաղ շենքերից էջմիածնի Մայր տաճարը: Այս էական հանգամանքը միշտ էլ հայտնի է եղել, և նոր եկեղեցու շինություն նախաձեռնողները այդ գործում հաճախ դիմել, նմանեցրել են ամենահին, ամենահամարավոր օրինակին՝ հայկական, առաքելական եկեղեցու աթոռանիստ էջմիածնին:

Մոտավորապես նման հատակագիծ է ունեցել նաև Բյուզանդիայի մակեդոնական (հայկական) կայսերական դինաստիայի հիմնադիր Բարսեղ (Վասիլ) Ա-ի, մասնագետների պնդմամբ՝ հայկականի ձևով կառուցած Նեա եկեղեցին (875—881), որի լոկ նկարագրությունն է այժմ պահպանվում գրականություն մեջ: Ինչ վերաբերում է Կոստանդնուպոլսի Առաքելոց հինգ գրմբեթների եկեղեցուն, ապա այն չէր կարող նախօրինակ լինել, քանի որ դրա հիմնական ծավալը հատակագծում ոչ թե քառակուսի կամ ուղղանկյուն էր, այլ խաչաձև: Անկյունային մասերում ծավալներ չկային, հետևաբար շորս երկրորդական գմբեթները չէին տեղադրվի անկյունագծային ուղղությամբ, մինչդեռ Ռինալդին շորս փոքր գմբեթները պիտի տեղադրեր քառակուսու շորս անկյուններում: Կոստանդնուպոլսի Առաքելոցում դրանք տեղադրված են եղել խաչաթևերի վրա:

Ճարտարապետ Անտոնիո Ռինալդին իր մասնագիտական կրթությունը ստացել է հայրենի Իտալիայում, աշակերտել Հռոմի հայտնի ճարտարապետ Լուչիո Վանվիտելլին: 1751 թ. Կ. Ռազումովսկու հրավերով ժամանում է Ռուսաստան: Սկզբում աշխատում ու կառուցումներ է իրականացնում Ուկրաինայում: Ծնթագրվում է, որ նա Բատուրինում 1752—1753 թթ. մասնակցել է պալատի կառուցմանը: 1755 թ. մեկնելով Պետերբուրգ, աշխատում է կոմս Մ. Վորոնցովի համար: 1756 թ. նշանակվում է պալատական ճարտարապետ թագածառանգի մոտ: Ռինալդին Օրիենթումում (այժմ՝ Լոմոնոսով) ստեղծում է հայտնի Զինական պալատը և Կատալնայա գորկան, պարկային քաղամաթիվ տաղավարներ, Պետրոս III-ի պալատը (1758—1762) և այլ քաղամաթիվ բարձրարվեստ շինություններ:

Ռինալդիի կառույցները անդրադարձնում են «բարոկկո» ոճով՝ բարդ ծավալատարածական հորինվածքներից ու հարթության հարուստ պլաստիկ մշակումներից անցումը կլասիցիզմին հատուկ՝ շինությունների արտաքին մշակման գույապ ձևերին ու ծավալային ուրվագծերի որոշակիությանը: Նրա բոլոր շինությունները առանձնանում են ներքին հարդարման մեծ վարպետությունով, ճարտարապետական կոմպոզիցիայում քանդակագործական և գեղարվեստական ստեղծագործությունների ներդրումով: Այդ իմաստով հիշատակելի է 1766—1781 թթ. Ռինալդիի կառուցած Մարմարյա պալատը, որտեղ այժմ Լենինի կենտրոնական թանգարանի լենինգրադյան մասնաճյուղն է գտնվում: Այս վերջինին զուգընթաց 1768—1790 թթ. Ռինալդին նախագծում և կառուցում է Իսահակիևյան տաճարը, որը, սակայն, չավարտած, մոտ 1790 թ. Ռուսաստանը թողնում, մեկնում է հայրենի Իտալիա և այնտեղ, 1794 թ. կնքում իր մահկանացուն:

Ճարտարապետության պատմությանը վերաբերող աշխատություններում նշում են Ռինալդիի Իսահակիևյան տաճարի կառուցման խիստ դանդաղ ընթացքը. իսկ ձգձգման պատճառների մասին ոչինչ չեն հաղորդում²: Ճարտար-

¹ Н. П. Никитин, Огюст Монферран, Л., 1939.

² Г. В. Жидков, Русское искусство XVIII века, М., 1951; А. Н. Петров, Е. А. Борисов, А. П. Науменко. Памятники архитектуры Ленинграда, Л., 1958; История русского искусства (под ред. И. Э. Грабаря), т. VI, М., 1961; М. Г. Колотов, Исаакиевский собор, Л.—М., 1966; Н. Н. Коваленская, История русского искусства XVIII века, М., 1962.

րապետի՝ Իտալիա մեկնելուց հետո տաճարի շինարարությունը 1801 թ. մի կերպ ավարտին է հասցնում ճարտարապետ Վ. Բրեննան, որը մեծ չափերով խախտելով նախագիծը, չի իրականացնում տաճարի շորս երկրորդական գրմաբեթների կառուցումը և միաժամանակ փոքրացնում է կենտրոնական գմբեթը՝ 1796 թ. Պավել I-ը, գահ բարձրանալով, տարվում է Միխայլովյան աստղի կառուցումով և այնտեղ է տեղափոխել տալիս Իսահակիկյան տաճարում դեռ չօգտագործված ամբողջ պիտանի մարմարը: Դրանով պետք է բացատրել, որ տաճարի վերնամասի (հիմնական քիվից վերև՝ ատիկայի հատվածի) աղյուսաշեն պատերը մարմարով չեն երեսապատվել, մնացել են բաց: Արդ, ինչով բացատրել Ռինալդիի՝ զոսից և ներսից ճոխությունը մարմարապատված տաճարի հազիվ 18-ամյա գոյությունը և նրա տեղում տաճարի նոր շինության ստեղծման անհրաժեշտությունը: 1809 թ. հայտարարված է եղել Իսահակիկյան տաճարի վերակառուցման մրցույթ, որի ծրագրային առաջադրանքում Ռուսական զեղարվեստի ակադեմիայի պրեզիդենտ Ա. Ստրոգանովը գրել է՝ «Որոնել միջոցներ տաճարը զարդարելու համար և նախագծել նոր գմբեթ, որը վսեմություն և գեղեցկություն հաղորդի այսպես համալավոր շինությունը»³: Մրցույթը, սակայն, արդյունք չի տալիս գլխավորապես այն պատճառով, որ նրա մասնակիցները, հակառակ առաջադրանքի ռեալ բնույթին, պահանջում էին հիմնիվեր քանդել Ռինալդիի կառուցած եկեղեցին, մինչ Ալեքսանդր I-ը կարգադրել էր հնարավոր չափով պահպանել նախորդի հատկապես արևելակողմի այն մասերը (խորանները), որոնք ժամանակին օծվել էին ու անվանակոչվել, իսկ դրանք լրիվ վերացնելը վիրավորական կդիտվեր հիմնադիրների հիշատակի նկատմամբ: Եկեղեցու վերակառուցման գործը դադարեցվում, հետաձգվում է մինչև 1812 թ. Հայերենական պատերազմի ավարտը: Դրանից հետո սկսվում է Իսահակիկյան տաճարի կառուցման մոնոֆերանյան ժամանակաշրջանը:

Մենք չենք բաժանում Մ. Կոլոտովի և ուրիշների այն կարծիքը, որ իբր Ռինալդիի՝ «հասցեայ ավարտին հասցված Իսահակիկյան տաճարը չէր համապատասխանում մայրաքաղաքի կենտրոնի նկարագրին»⁴: Մեր համոզմամբ վերոհիշյալ մրցույթային առաջադրանքը ճիշտ է եղել, լիապես տրամաբանական, քանի որ Ռինալդիի նախագծով կառուցված տաճարը ծավալով փոքր չէր, արտաքին ծավալատարածական հորինվածքով մոտավորապես էր ու տպավորիչ: Եվ եթե շինության վերնամասի աղյուսաշեն պատը ներքնամասի ձևով երեսապատվեր մարմարով, կառուցվեին նախագծով մշակված անկյունային դասավորության շորս փոքր գմբեթները. ճարտարապետ Բրեննայի կողմից փոքրացված կենտրոնական գմբեթը վերափոխվել և համապատասխանեցվել նախագծային չափերին, արևմտյան կողմից տաճարին հարող զանգակատունը նույնպես համապատասխանեցվել Ռինալդիի նախագծած պատկերին, ապա այդ շինությունը խորթ չէր երևա հրապարակի շուրջը նոր-նոր կազմավորվող ներդաշնակ համալիրում: Դեռ ավելին, Ռինալդիի նախագծով կառուցվող տաճարը, որ իր ձևերով հարազատության եզրեր ունի ուս պատմական ճարտարապետության հուշարձանների հետ, կնշանավորեր ազգային արվեստի զարգացման մի նոր աստիճան:

Անհնար է, որ Ռինալդիի կառուցած տաճարի տեղում մի նոր տաճարի կառուցման անհրաժեշտությունը թելադրված լիներ նրանով, որ Ռինալդիի շինության հիմքում դրված է եղել հայ լուսավորչական եկեղեցու հատակագծապատկերը, որպես նախօրինակ: Պատմականորեն հաստատված է, որ ուս և հայ եկեղեցիները միշտ էլ եղել են բարեկամական կապերի մեջ: Դա մեծ մասամբ արտահայտվել է նաև ուսական հնագույն եկեղեցիների շինությունների կառուցմանը հայ վարպետ-արվեստագետների ակտիվ մասնակցությունից:

³ М. Г. Колотов, *Изд. журн.*, էջ 10:


⁴ Памятники архитектуры Ленинграда, ред. Н. Н. Брунов. Л., 1956, История русского искусства (под ред. И. Э. Грабаря), т. III, с. 304—310, 503:

⁵ О. Х. Халпахчян, Армяно-русские культурные отношения и их отра-


Պետք է կարծել, որ այս խնդրում դեր է խաղացել նոր ժամանակների և նոր հայացքների գործոնը: Հայրենական պատերազմի հաղթական ավարտին Ալեքսանդր I-ը, գտնվելով Եվրոպայում, գայթակղվում է վերելք ապրող «ամպիր» ոճով ստեղծված շքեղ շինությունների գրավչությամբ, գերագասում է Պետերբուրգի գլխավոր եկեղեցին կառուցել կլասիցիզմի այդ ոճով, մանավանդ, որ այն արդեն այս կամ այն չափով թափանցել էր Ռուսաստան ու սկսվել էր ձևավորվել որպես ռուսական «ամպիր»:

Եկատերինա II-ի օրոք ավարտին չէր հասել Ռինալդիի կառուցվող տաճարը: Ճարտարապետը, հովանավորող շունենայով, թողնում, հեռանում է Բուխարա: Պավել I-ը այդ կառուցման նկատմամբ անուշադիր, առաջ էր մղում իր ամրոցի շինարարությունը, Ալեքսանդր I-ն էլ պիտի տեղ տար իր հզորությունն, ու ժամանակը նշանավորող մի նոր մեծագործության, ի դեմս Իսահակիկյան նոր տաճարի:

2. Սեմյոնովան մի առիթով գրում է՝ «VI—VII դարերում Հայաստանում մշակված կենտրոնակազմ հատակագծերի նմանակները ռուս ճարտարապետության մեջ կիրառվում էին նաև XVII և նույնիսկ XVIII դարերում» (գծ. 7, 8)⁶: Նա իր այդ եզրակացությունը հաստատելու համար բերած օրինակների շարքում կարող էր հիշատակել նաև Ռինալդիի Իսահակիկյան տաճարը, որը, սակայն, չի արել:



Ո 15 M



7. Դյակովո եկեղեցու հատակագիծը նույնանուն գյուղում (ըստ Սեմյոնովայի):
8. Ավանի Կարողիկե հինգ գմբեթանի եկեղեցու հատակագիծը (VI դ.):

Ռուսական արվեստի ու ճարտարապետության պատմության շատ հրատարակություններում Ռինալդիին երբեմն չեն անդրադառնում, իսկ եթե այնուամենայնիվ թվարկում են նրա գործերը, Իսահակիկյան տաճարի մասին չեն խոսում, չեն հիշում, գծագրական նյութեր չեն ներկայացնում⁷: Անգամ ն. Նիկիտինը, որ Իսահակիկյան տաճարին և նրա հեղինակին՝ Օգյուստ Մոնֆերանին նվիրված ուսումնասիրություն է հրատարակել, Ռինալդիի տաճարի

жение в архитектуре, Ереван, 1957, ն ու լ ի՝ Культурные связи Владимиро-Суздальской Руси и Армении, М., 1977.

⁶ 3. Ф. Семенова. О взаимосвязях русской и армянской средневековой архитектуры (Պատմա-բանասիրական հանդես, 1986, № 4, էջ 45):

⁷ Г. В. Жидков, Русское искусство XVIII века, М., 1951; Н. Н. Коваленская, История русской архитектуры, краткий курс, М., 1951.

ամբողջական հասակագիծ չի տեղադրել և ընդհանրապես այդ ճարտարապետի ու նրա այդ գործի մասին գրեթե ոչինչ չի ասում⁸։

Ռուս և հայ ժողովուրդների ծանոթությունն ու կապը կյանքի տարբեր ոլորտներում դարերի հնություն ունի։ Մեր փոխհարաբերությունները արվեստի և ճարտարապետության անդաստանում թերևս այն նյութական, դրանով էլ շատ կարևոր փաստերից են, որոնք հաստատում են հնուց ի վեր գոյություն ունեցած ակտիվ կապերը նաև հասարակական ու քաղաքական, ռազմական ու այլ ասպարեզներում։ Այդ հարաբերությունները եղել են արդասարբեր, անմիջական ու հարատևել են դարերով, ընդհուպ, մինչև մեր օրերը։ Այդ ֆոնի վրա պետք է բնական համարել, որ Ռինալդին հնարավոր է գտել Պետերբուրգի Իսահակյան տաճարի իր նախագծի հիմքում դնել էջմիածնի Մայր տաճարի հասակագծապատկերը։

О ПРОЕКТЕ ЛЕНИНГРАДСКОГО ИСААКИЕВСКОГО СОБОРА,
СОЗДАННОГО АРХИТЕКТОРОМ АНТОНИО РИНАЛЬДИ

Т. А. МАРУТЯН

Р е з ю м е

Ленинградский Исаакиевский собор, который до Октябрьской революции был главной церковью Петербурга, является четвертым по счету из числа построенных здесь одноименных храмов. Третий Исаакиевский собор /1768—1801/ был построен по проекту Антонио Ринальди и простоял до 1818 г. На основании и с использованием восточных стен этого храма был сооружен нынешний Исаакиевский собор /арх. О. Монферран/. Прототипом третьего Исаакиевского собора безусловно является Эчмиадзинский кафедральный собор /V в./, а не храм Апостолов Константинополя /VI в./, как считает историк архитектуры Н. П. Никитин.

ABOUT THE PROJECT OF THE LENINGRAD ISAKIEVSKI CATHEDRAL
CREATED BY ARCHITECT ANTONIO RINALDI

MARUTIAN T. H.

S u m m a r y

The Leningrad Isakievski Cathedral, which was the main church in St. Petersburg until the revolution, is the fourth of the same name of temples built here. The third Isakievski Cathedral (1768—1801) was built according to the plan of Antonio Rinaldi and stood until 1818. The present Isakievski Cathedral (architect O. Monferrant) was built on the foundation and use of the eastern walls of that temple. The prototype of the third Isakievski Cathedral undoubtedly is the Cathedral (5th century) of Echmiadzin, and not the Temple of Apostles of Constantinople (6th century), as the historian of architecture N. P. Nikitin believes.

⁸ Н. П. Никитин, *ibid.* աշխ.